



Ciorclán 0034/2011

**Chuig: Údaráis Bainistíochta Scoileanna Aitheanta idir Bunscoileanna
Meánscoileanna, Scoileanna Pobail agus Scoileanna Cuimsitheacha
agus Príomhoifigigh Feidhmiúcháin na gCoistí Gairmoideachais**

Caighdeánú na Scoilbhliana i leith Bunscoileanna & Iarbhunscoileanna do na scoilbhlianta 2011/12, 2012/13 agus 2013/14

1 Réamhrá

Is í is aidhm leis an gclár seo ná údaráis bainistíochta a chur ar an eolas i dtaobh an chomhaontaithe atá bainte amach idir na páirtithe leis an gComhairle Eadrána do Mhúinteoirí maidir le caighdeánú sosanna na Nollag, na Cásca agus an lár-théarma sa chéad agus sa dara téarma de na scoilbhlianta 2011/12, 2012/13 agus 2013/14.

2 Fachtóirí atá curtha san áireamh

Ag baint comhaontaithe amach dóibh chuir na páirtithe san áireamh roinnt fachtóirí ábhartha:

- An aidhm a bhí acu fadhbanna a sheachaint a fhéadfadh a bheith ann do theaghlaigh de bharr socrúithe éagsúla i leith dúnadh na scoileanna áit a mbíonn páistí ag freastal ar scoileanna difriúla
- An riachtanas go mbeadh scoil ar oscailt ar feadh íosmhéid 167 lá ag an leibhéal iarbhunscoile agus 183 lá ag an leibhéal bunscoile
- Dáta an lae saoire baine i mí Meithimh agus, mar thoradh air sin, dáta éifeachtach deireadh na scoilbhliana agus dáta tosaigh na Scrúduithe Teastais

- an difríocht idir fad na scoilbhliana ag leibhéal na bunscoile agus leibhéal na hiarbhunscoile agus an poitéinseal atá ann le téarma fada san earnáil bunscoile ag brath ar an dáta ar a dtiteann an Cháisc
- an lá ar a dtiteann an lá saoire bainc i mí Dheireadh Fómhair
- gur inmhianta an rud é go mbeadh aga réasúnta ann idir deireadh an chéad téarma agus an Nollaig
- an gá atá ann le soláthar a dhéanamh do shocruithe teagmhasachta chun déileáil le dúntaí forleathana nó faidreiseacha scoile gan choinne e.g. de bharr na haimsire, srl.

3 Ginearálta

Cuimsíonn an comhaontú atá bainte amach na socruithe a mbeidh feidhm acu insna scoileanna go léir ó thosach na scoilbhliana 2011/12 agus cuimsíonn sé trí scoilbhliana. Déanfaidh na páirtithe athbhreithniú ar na socruithe tráth nach déanaí ná earrach na bliana 2014 ar a dhéanaí d'fhonn comhaontú a bhaint amach faoi na socruithe a mbeidh feidhm acu ina dhiaidh sin agus tá siad tar éis a chomhaontú gur féidir an gnó a ardú ag an gComhairle Eadrána do Mhúinteoirí sa chás go mbíonn aon deacracht gan choinne ann maidir le feidhmiú na socruithe atá anois comhaontaithe.

Éilítear ar scoileanna a bheith ar oscailt chun glacadh leis na daltaí go léir ar an lá seachtaine díreach roimh agus díreach tar éis gach tréimhse sosa atá cuimsithe ag an gcomhaontú seo.

Tá na socruithe do 2011/12 amach leagtha amach in [Aguisín A](#) leis an gclár seo.

Sa chiorclán seo tagraíonn “**údarás scoile**” don údarás bainistíochta cuí don scoil i gceist i.e. an CGO cuí i gcás scoileanna CGO agus an bord bainistíochta/bainisteoir i gcás gach scoile eile.

4 Socruithe teagmhasachta i gcás dúntaí gan choinne scoileanna

Tá sé aitheanta ag na páirtithe go bhfuil gá le breis solúbthachta a bheith ann agus gá le soláthar a dhéanamh do shocruithe teagmhasachta laistigh den scoilbhliain chaighdeánaithe chun déileáil le dúntaí scoile gan choinne.

Tá treoir do scoileanna maidir le cúiteamh as am a cailleadh de bharr dúntaí scoile gan choinne curtha san áireamh ag [Aguisín B](#) den chiorclán seo. Leagann an treoir seo amach cur chuige struchtúrtha chun a chinneadh céard iad na bearta a bheidh le cur ar bun chun cúiteamh as am a cailleadh. Forálann an treoir gur ceart, faoi réir ag comhthoil ag an leibhéal áitiúil, aon athruithe is féidir a dhéanamh ar an ngnáthchleachtas chun dul i ngleic leis na heasnamh. I measc na samplaí féideartha de bhealaigh chun a leithéid a bhaint amach, tá:

- tosaíocht a thabhairt do theagasc roimh ghníomhaíochtaí neamh-theagaisc
- fad na scrúduithe bréige/scrúduithe tí a laghdú áit is féidir

- an cheist a bhreithniú ciacu an ceart tosaíocht a thabhairt d'fhoghlaim sa rangsheomra roimh thurais scoile, srl
- i gcás scoileanna dara leibhéal, a chinntiú go bhfreastalaíonn na ranganna scrúdaithe ar na ranganna uile go dtí deireadh mhí na Bealtaine.

Más gá, is ceart don údarás scoile aon laethe lánroghnacha a shainaithint ar ar raibh sé ar intinn ag an scoil dúnadh a fhéadfaí iad a chur ar fáil chun cúiteamh as an am a cailleadh.

Áit nach meastar gur leor na bearta thuas, is féidir anois chomh maith a áireamh ar na socruithe teagmhasachta chun cúiteamh as am a cailleadh de bharr dúntaí forleathana nó faidreíseacha scoile gan choinne ceann amháin de na socruithe seo a leanas nó iad araon:

- is féidir sos lár-théarma na Feabhra a laghdú de suas le trí lá faoi réir ag an riachtanas nach mór do na scoileanna go léir dúnadh ar Dhiardaoin agus ar Aoine na seachtaine ina dtiteann an sos seo.
- is féidir sos na Cásca a laghdú de suas le trí lá ach an scoil a fhanacht ar oscailt go dtí an Céadaoin díreach roimh dheireadh seachtaine na Cásca san áireamh. Ní mór do na scoileanna go léir a dhúnadh ar an Diardaoin agus an Aoine díreach roimh dheireadh seachtaine na Cásca agus fanacht dúnta ar feadh na coda eile de shos na Cásca mar atá leagtha amach in [Aguisín A](#) den chiorclán seo.

Ní mór don údarás scoile a chur san áireamh leis sin go bhfuil sé riachtanach leorfógra faoi aon athruithe ar an bhféilire scoile a thabhairt do dhaltaí, tuismitheoirí agus lucht foirne. Tugadh gach údarás scoile féilire do thuismitheoirí ag tosach gach scoilbhliana chomh maith agus sonraí inti faoi dhúntaí scoile. Is ceart a shoiléiriú chomh maith go mb'fhéidir go mbeadh athruithe ar an bhféilire mar chuid de na socruithe teagmhasachta chun cúiteamh as am a cailleadh de bharr dúntaí scoile gan choinne.

5 Cleachtadh reiligiúnach agus an caighdeánú

Tá na socruithe thuas gan dochar do dhúnadh ar laethe sainithe, faoi réir ag an riachtanas foriomlán de 167 lá ag an leibhéal iarbhunscoile agus 183 lá ag an leibhéal bunscoile, de réir chleachtaidh reiligiúnaigh atá riachtanach i scoileanna atá faoi phátrúnacht sainchreideamh nó creideamh éagsúla.

6 Méid na solúbthachta taobh amuigh de na sosanna caighdeánaithe

Ní riachtanas é go mbeadh tosach nó deireadh na scoilbhliana caighdeánaithe ag an mbunleibhéal ná ag an iarbhunleibhéal. Bíodh is gur ceadaithe do scoileanna, áfach, a gcuid laethe lánroghnacha a úsáid, áit a bhfuil siad le fáil, chun tosach agus deireadh na scoilbhliana a chinneadh go cruinn, aithnítear go gciallóidh tosach na Scrúduithe Teastais nach mbeidh iarbhunscoileanna ar oscailt chun teagaisc tar éis na hAoine roimh lá saoire bainc an Mheithimh bliain ar bith. Bítear ag suil go dtosnóidh an scoilbhliain de ghnáth i rith na seachtaine ina dtiteann an 1ú Meán Fómhair. Is féidir,

áfach, leis an scoilbhliain tosnú an tseachtain roimh an tseachtain ina dtiteann 1ú Meán Fómhair áit a bhfuil sé seo riachtanach chun cloí leis an riachtanas foriomlán le híosmhéid 167 lá ag an leibhéal iarbhunscoile agus 183 lá ag an leibhéal bunscoile.

Is féidir go bhfágfadh na socruithe roinnt solúbthachta teoranta ag scoileanna ar laethe áirithe eile lasmuigh de na tréimhsí sainmhínithe. Ní ceart sceidealú laethe dá leithéid a úsáid chun na tréimhsí atá leagtha amach thuas a fhadú nó a athrú i leith sosanna an lár-théarma, na Nollag agus na Cásca ach amháin nuair is gá sin de bharr riachtanas cleachtaidh reiligiúnaigh scoile faoi phátrúnacht ar leith.

7 Comhaontú na Seirbhíse Poiblí 2010 – 2014

Déanann Comhaontú na Seirbhíse Poiblí 2010 – 2014 soláthar do bhreis ama de uair amháin in aghaidh na seachtaine. Má chomhiomlánaítear uaire ar bith de na huaire seo ina laethe iomlána scoile (faoi réir ag comhthoil lucht foirne na scoile) éileofar ar an bhfoireann teagaisc bheith i láthair lasmuigh de na 183 agus 167 lá teagaisc a éilítear ag an leibhéal bunscoile agus ag an leibhéal iarbhunscoile faoi seach. Forálann [Ciorclán 08/2011](#) go bhfuil comhiomlánú uaire ina laethe iomlána ag an mbunleibhéal faoi réir ag an gcoinníoll nach ndéanfar ach coibhéis dhá lá iomlána, ar a mhéid, a chomhiomlánú.

Ní bac ar shainaithint laethe ar bith de na laethe seo ag scoil chun críche uaire a chomhiomlánú na socruithe teagmhasachta do shos lár-théarma na Feabhra agus sos na Cásca. Is ceart do scoileanna, áfach, a chinntiú gur féidir malairt socraithe a chur i bhfeidhm chun na huaire comhiomlánaíthe a úsáid má bhíonn gá le hathruithe ina dhiaidh sin mar chuid de na socruithe teagmhasachta chun cúiteamh as am a cailleadh de bharr dúntaí scoile gan choinne.

8. Fiafraithe maidir leis an gcló seo

Is ceart fiafraithe maidir leis an gcló seo a chur sa ríomhphost chuig: schoolgovernance@education.gov.ie

9. Scaipeadh an chiorcláin

Is ceart cóip den chiorclán seo a sholáthar do bhaill den bhord bainistíochta agus do lucht foirne na scoile. Is ceart freisin cóip a sholáthar do chumann na dtuismitheoirí. Is féidir rochtain ar an gcló seo (leagan Béarla agus leagan Gaeilge) ag suíomh gréasáin na Roinne Oideachais agus Scileanna ag www.education.ie.

Hubert Loftus
Príomhoifigeach
Rannóg Rialachais na Scoileanna
Bealtaine 2011

Aguisín A: Scoilbhlianta caighdeánaithe 2011/12 ar aghaidh

Is iad seo a leanas na socruithe comhaontaithe i leith caighdeánú shosanna na Nollag, na Cásca agus an lár-théarma sa chéad agus sa dara téarma de na scoilbhlianta 2011/12, 2012/13 agus 2013/14:

Scoilbhliain 2011/12

Sos lár-théarma Dheireadh Fómhair 2011

Dúnfaidh na scoileanna uile ón **Luan 31^ú Deireadh Fómhair 2011 go dtí an Aoine 4^ú Samhain 2011** san áireamh.

Nollaig 2011

Dúnfaidh na scoileanna uile ar an **Diardaoin 22^ú Nollaig 2011**, lá is lá deiridh an téarma scoile.

Osclóidh na scoileanna uile arís ar an **Luan 9^ú Eanáir 2012**.

Sos lár-théarma na Feabhra 2012

Dúnfaidh na bunscoileanna uile ar an **Diardaoin 16^ú Feabhra 2012 agus ar an Aoine 17^ú Feabhra 2012**. (Is ceadaithe do bhunscoileanna 3 lá lánroghnacha a úsáid chun an sos seo a fhadú go dtí malairt rogha de shos 5 lá don tréimhse ón **Luan 13^ú Feabhra 2012 go dtí an Aoine 17^ú Feabhra 2012** san áireamh mura bhfuil gá le socruithe teagmhasachta chun cúiteamh as am a cailleadh de bharr dúntaí scoile gan choinne.)

Dúnfaidh iarbhunscoileanna ón **Luan 13^ú Feabhra 2012 go dtí an Aoine 17^ú Feabhra 2012** san áireamh mura bhfuil gá le socruithe teagmhasachta chun cúiteamh as am a cailleadh de bharr dúntaí scoile gan choinne.

Áit a bhfuil gá le socruithe teagmhasachta is ceadaithe d'údarás scoile fad sos lár-théarma na Feabhra a laghdú trí fanacht ar oscailt suas go dtí an **Céadaoin 15^ú Feabhra 2012**, an lá sin san áireamh.

Cáisc 2012

Dúnfaidh na scoileanna uile ar an **Aoine 30^ú Márta 2012**, lá is lá deiridh an téarma scoile mura bhfuil gá le hathruithe chun cúiteamh as am a cailleadh de bharr dúntaí scoile gan choinne. Áit a bhfuil gá le socruithe teagmhasachta is ceadaithe d'údarás scoile fad shos na Cásca a laghdú trí fanacht ar oscailt suas go dtí an **Céadaoin 4^ú Aibreán 2012**, an lá sin san áireamh.

Osclóidh na scoileanna uile arís ar an **Luan 16^ú Aibreán 2012**.

Scoilbhliain 2012/13

Sos lár-théarma Dheireadh Fómhair 2012

Dúnfaidh na scoileanna uile ón **Luan 29^ú Deireadh Fómhair 2012 go dtí an Aoine 2^ú Samhain 2012** san áireamh.

Nollaig 2012

Dúnfaidh na scoileanna uile ar an **Aoine 21^ú Nollaig 2012**, lá is lá deiridh an téarma scoile.

Osclóidh na scoileanna uile arís ar an **Luan 7^ú Eanáir 2013**.

Sos lár-théarma na Feabhra 2013

Dúnfaidh na bunscoileanna uile ar an **Diardaoin 14^ú Feabhra 2013 agus ar an Aoine 15^ú Feabhra 2013**. (Is ceadaithe do bhunscoileanna 3 lá lánroghnacha a úsáid chun an sos seo a fhadú go dtí malairt rogha de shos 5 lá don tréimhse ón **Luan 11^ú Feabhra 2013 go dtí an Aoine 15^ú Feabhra 2013** san áireamh mura bhfuil gá le socruithe teagmhasachta chun cúiteamh as am a cailleadh de bharr dúntaí scoile gan choinne.)

Dúnfaidh iarbhunscoileanna ón **Luan 11^ú Feabhra 2013 go dtí an Aoine 15^ú Feabhra 2013** san áireamh mura bhfuil gá le socruithe teagmhasachta chun cúiteamh as am a cailleadh de bharr dúntaí scoile gan choinne.

Áit a bhfuil gá le socruithe teagmhasachta is ceadaithe d'údarás scoile fad sos lár-théarma na Feabhra a laghdú trí fanacht ar oscailt suas go dtí an **Céadaoin 13^ú Feabhra 2013**, an lá sin san áireamh.

Cáisc 2013

Dúnfaidh na scoileanna uile ar an **Aoine 22^ú Márta 2013**, lá is lá deiridh an téarma scoile mura bhfuil gá le hathruithe chun cúiteamh as am a cailleadh de bharr dúntaí scoile gan choinne. Áit a bhfuil gá le socruithe teagmhasachta is ceadaithe d'údarás scoile fad shos na Cásca a laghdú trí fanacht ar oscailt suas go dtí an **Céadaoin 27^ú Márta 2013**, an lá sin san áireamh.

Osclóidh na scoileanna uile arís ar an **Luan 8^ú Aibreán 2013**.

Scoilbhliain 2013/14

Sos lár-théarma Dheireadh Fómhair 2013

Dúnfaidh na scoileanna uile ón **Luan 28^ú Deireadh Fómhair 2013 go dtí an Aoine 1^ú Samhain 2013** san áireamh.

Nollaig 2013

Dúnfaidh na scoileanna uile ar an **Aoine 20^ú Nollaig 2013**, lá is lá deiridh an téarma scoile.

Osclóidh na scoileanna uile arís ar an **Luan 6^ú Eanáir 2014**.

Sos lár-théarma na Feabhra 2014

Dúnfaidh na bunscoileanna uile ar an **Diardaoin 20^ú Feabhra 2014 agus ar an Aoine 21^ú Feabhra 2014**. (Is ceadaithe do bhunscoileanna 3 lá lánroghnacha a úsáid chun an sos seo a fhadú go dtí malairt rogha de shos 5 lá don tréimhse ón **Luan 17^ú Feabhra 2014 go dtí an Aoine 21^ú Feabhra 2014** san áireamh mura bhfuil gá le socruithe teagmhasachta chun cúiteamh as am a cailleadh de bharr dúntaí scoile gan choinne.)

Dúnfaidh iarbhunscoileanna ón **Luan 17^ú Feabhra 2014 go dtí an Aoine 21^ú Feabhra 2014** san áireamh mura bhfuil gá le socruithe teagmhasachta chun cúiteamh as am a cailleadh de bharr dúntaí scoile gan choinne.

Áit a bhfuil gá le socruithe teagmhasachta is ceadaithe d'údarás scoile fad sos lár-théarma na Feabhra a laghdú trí fanacht ar oscailt suas go dtí an **Céadaoin 19^ú Feabhra 2014**, an lá sin san áireamh.

Cáisc 2014

Dúnfaidh na scoileanna uile ar an **Aoine 11^ú Aibreán 2014**, lá is lá deiridh an téarma scoile mura bhfuil gá le hathruithe chun cúiteamh as am a cailleadh de bharr dúntaí scoile gan choinne. Áit a bhfuil gá le socruithe teagmhasachta is ceadaithe d'údarás scoile fad shos na Cásca a laghdú trí fanacht ar oscailt suas go dtí an **Céadaoin 16^ú Aibreán 2014**, an lá sin san áireamh.

Osclóidh na scoileanna uile arís ar an **Luan 28^ú Aibreán 2014**.

Aguisín B: Treoir do scoileanna maidir le cúiteamh as am a cailleadh de bharr dúntaí scoile gan choinne

1. Is ceart don údarás scoile, sa chéad ásc, an líon dúntaí scoile atá tarlaithe a mheas.
2. Is ceart don údarás scoile toradh chailliúint an teagaisc a mheas agus easnaimh ar bith atá tarlaithe de bharr na ndúntaí gan choinne a shainaithint i gcomhairle leis an bPríomhoide agus leis na múinteoirí.
3. Is ceart don údarás scoile dul i gcomhairle leis an bPríomhoide agus leis na múinteoirí féachaint lena chinntiú gur féidir an curaclam do gach grúpa ranga/bliana a chríochnú roimh dheireadh na bliana. Faoi réir ag comhthoil ag an leibhéal áitiúil, is ceart aon athruithe is féidir a dhéanamh ar an ngnáthchleachtas chun éascú le hobair den saghas sin. I measc na samplaí féideartha de bhealaigh chun a leithéid a bhaint amach, agus níl an liosta seo uileghabhálach, tá:
 - tosaíocht a thabhairt do theagasc roimh ghníomhaíochtaí neamh-theagaisc
 - fad na scrúduithe bréige/scrúduithe tí a laghdú áit is féidir
 - an cheist a bhreithniú ciacu an ceart tosaíocht a thabhairt d'fhoghlaim sa rangsheomra roimh thurais scoile, srl
 - i gcás scoileanna dara leibhéal, a chinntiú go bhfreastalaíonn na ranganna scrúdaithe ar na ranganna uile go dtí deireadh mhí na Bealtaine.
4. Más gá, is ceart don údarás scoile féilire na scoile a athbhreithniú féachaint le feidhm a bhaint as aon laethe lánroghnacha ar ar raibh sé ar intinn ag an scoil dúnadh, d'fhoill cúiteamh as an gcailliúint. Ina leith seo, is ceart don údarás scoile a chur san áireamh gur gá leorfógra faoi aon athruithe ar an bhféilire scoile a thabhairt do dhaltaí, tuismitheoirí agus lucht foirne.

5. I gcásanna ina bhfuil dúntaí fairsinge nó faidréiseacha scoile dulta i gcion ar scoil agus ina measann an údarás scoile nach leor na bearta thuas chun cúiteamh as an gcailliúint teagaisc i gceist, is féidir leis an údarás scoile, tar éis dó a fháil amach céard iad na socruithe iompar scoile a bheidh le fáil má bhíonn scoileanna eile dúnta, cinneadh ar na socruithe teagmhasachta seo a leanas a chur i bhfeidhm:
- is féidir sos lár-théarma na Feabhra a laghdú de suas le trí lá faoi réir ag an gceanglas ar na scoileanna uile dúnadh ar Dhiardaoin agus ar Aoine na seachtaine ina dtiteann an sos seo
 - is féidir sos na Cásca a laghdú de suas le trí lá ach an scoil a fhanacht ar oscailt go dtí an Céadaoin díreach roimh dheireadh seachtaine na Cásca san áireamh. Ní mór do na scoileanna go léir a dhúnadh ar an Diardaoin agus an Aoine díreach roimh dheireadh seachtaine na Cásca agus fanacht dúnta ar feadh na coda eile de shos na Cásca mar atá leagtha amach in [Aguisín A](#) den chiorclán seo.
6. Is ceart don údarás scoile machnamh ar impleachtaí aon bhearta a bheidh sainaitheanta do dhaltaí, múinteoirí, tuismitheoirí agus baill eile foirne agus do dhaoine eile freisin ar nós foireann iompair scoile, treoraithe bus, maoir tráchta, cuairteoirí ar an scoil srl.
7. Is ceart don údarás scoile dul i gcomhairle agus i gcumarsáid le pobal na scoile a luaithe is féidir maidir leis an ngnó seo.